

Mister Lips mester di tempo:

Parlamentario Abath a sabotea ley di curatela y centro pa cuida di mucha

ORANJESTAD(AAN) Postema a bolbe rebenta y poes a spart ayera atrobe den edificio di parlamento y e biaha aki no tabata Marry, pero e biaha aki tabata mister Lips en persona cu a bay torpedea dos ley valioso pa pais Aruba, esta e ley di curatela pa Chollernan y e ley pa centronan di mucha.

Parlamentario Van Lis Donata cu a traha duro riba e dos leyman aki y un di nan pa colmo ta data di fin di añanan 80, a haya su mes ayera confronta cu un boicot maligno di parti di partido AVP.

Parlamentario di Arubaanse Volks Partij, Edwin Abath

ayera a sabotea tratamiento di e ley cu mester a tuma lugar den comision di parlamento pa asina e leyman di curatela y pa centronan di mucha por a pasa.

Mister Lips a haya cu e tabata mester di mas tempo pa studia e materia dificil aki y ta pesey mister Lips mester a pidi pa schors e reunion y cu tur hende incluyendo henter pais Aruba mester warda te dialuna ora cu Mister Lips aparentemente caba di studia documentonan cu el a haya riba e leyman cu mester a worde pasa!

Wel wel señores si aki no ta

trata di boicot y arogancia combina cu e politica maligno cu AVP a bin ta muestra pueblo pa e ultimo tres aña y mey, anto lo ta trata aki di locura y arogancia combina cu falta di profesionalismo.

Shon Abath cu a cana tres aña y mey ta pronk como mooie jonge bao di saya di Watty, no tabata na altura cu tabata tin un ley pa laga pone chollernan bao di curatela?

Shon Abath cu tabata traha como coordinador di ministro di Husticia no tabata sa cu pais Aruba tin un problema serio di choller y cu tabata tin un ley den preparacion, cu ayera e mester a bay para tur cos pa asina henter pais Aruba mester bay sinta warda te dialuna ora cu e experto huridico mister Lips Abath keda cla cu su studio riba e dos leyman cu el a sabotea ayera?

Ta kico Abath a haci for di tempo cu el a drenta den parlamento na januari ultimo?

Ta kico otro parlamen-

tarionan y ministronan di AVP a sinta haci tres aña y mey cu ayera nan mester a bay depende riba Abath cu a pidi pa schors e reunion pa warda te dialuna?

Dia cu AVP a core pidi reunion urgente den menos cu 24 ora riba e Deal is Off di Radisson, mister Lips Abath den 24 ora pa el a vota pa scapa cabez di su ministro y awor e mester di tempo te dialuna pa algo cu tabata cla caba?

Mister Lips ta kere cu e por bin gaña pueblo cu e como representante di pueblo mester por haci su trabao cu responsabilidad y ta pesey e mester bay studia documentonan te dialuna?

Si ta tempo mister Lips tabata mester, anto ta ken a sinta den grupo come bebe barica yen un dia prome den un restaurant cerca di parlamento caminda e Lakei Weggedreven tabata cana pariba papao ta hiba y trece botter di

cerbez te den oranan laat di madrugada?

Pa celebra huramentacion di ministronan si mister Lips tabata tin tur tempo, pero pa prepara pa e comision pa trata e leyman ayera e mester a pidi schorsing te dialuna?

Ta raspao Mister Lips a kere cu tin den parlamento?

E berguenza mas grandi ta pa AVP cu mester a traha riba e ley di curatela pa chollernan y ayera pa colmo Edwin Abath cu a traha cu Watty Vos, e ministro di husticia cu hunto cu mister lips no a haci nada pa combati criminalidad, ta sabotea un ley cu pais Aruba no por warda mas riba dje djis pasobra OLA a bin cu e ley aki y mester caba cu Glenbert tambe pa e no drenta parlamento.

Henter un comunidad mester bay sinta warda te ora cu mister Lips caba di sinta studia documentonan den fin di siman, esta un berguenza y un arogancia di marca mayor: Che!

FESTIVAL "DERA GAI" CU TAMBU

ORANJESTAD(AAN); E aña aki ademas di e celebracion en grandi di Dia di San Juan dia 24 di e luna aki, lo tin tambe un manifestacion cultural grandi dedica e aña aki na Sr. Ovíto Tromp dia 26 di e luna aki riba Veld di Brazil Jr. (Patras di Centro di Bario Brazil)

Esaki ta cumenza for di 5 or atardi y termina 1 or di madrugada cu e parti oficial di 6 or pa 6.30 or atardi sigui pa e manifestacion.

E fundacion a colabora e aña aki hunto cu Comision Brasa, (Brasil-San Nicolas - Sabaneta) pa e festival aki.

E prome ora lo tin musica di Caha "Mi Amor" di Sr. Den Thijzen, tambe cu actividad pa mucha, bendemento di cuminda T-shirts y Artesania, bazaar etc.

Seis or tin e momento oficial cu himno canta pa Elgin Semeleer, cu discurso di president di Fundacion Dera Gai Sr. Juan Thijzen, palabra di president di Comision Brasa Sra. Saskia van Putten Werleman, y discurso di Ministro di Cultura Dr. Lili Beke.

Despues ta sigui show cu grupo di baile Flor di Brasil, Flor di Jasmin, Caha di orgel, Arubaile, festival di canto di cancion di San Juan, Concurso pa pareha bailador di cantica di San Juan, Concurso di rancamento di bandera, Concurso di Dera Gai, actuacion di Placentero Ritmo y Cuerde, entregamento di premio, Musica y Baile y final-

mente lo cera cu Candela di San Juan acompaña pa tambu.

Mirando e preparacionnan cu ta ser haci, por spera cu e festival aki lo ta un pa ningun hende perde dia 26 di juni.

